

تزهي سمانا

تزهي سمانا بالقمر مع نجومه
في كل ظلمة نورهم ما خفانا
وفي الأرض فعل الطيبين وعلومه
ونجمنا والنور منهم كفانا



والطيب فيكم غالي من يسومه
لعيال إبراهيم وحصة غلانا
هيلة ومن يعرفك محدن يلومه
طبيتك في برد الليالي دفانا



ويافرحتك بالضيف لحظة قدومه
الله يديمك بالحبيبة معانا
ونورة عسى قبرك تظله غيومه
في جنة الفردوس يكمل لقانا



عبدالعزيز الطيب لازم هدومه
لعناده واسمه فزوا الناس جانا
هذا أبو فارس عريب لعمومه
يافخر الابراهيم عزوة وشانه



ومن يلمحك يا اللولو زان يومه
شبيهة أمك وان حضرتي هنانا
شريفة اللي بالمكارم خدومة
يا سعد عين اللي يشوفك معانا



والحب كله والغلا للرحومة
امنيرة أم الكل بسمه مسانا
من شافها ينسى عناه وهمومه
يا ماخذه بالقلب قدر ومكانة



عبدالسلام البلسم اللي سلومه
من كلمته ننسى التعب يا شفانا
لا ضاق فينا الوقت زادت سهومه
يحلها عبدالسلام بذهانه



محمد اللي ما يجي للخصومة
والنعم بإسمك وانت قدوة وفانا
بعيد لكن في القلوب وعلومه
من طيبها نفخر ويكبر غلانا

وهذي لطيفة مالحقها ملومة
في طيبها وإخلاصها والأمانة
وهند آخر العنقود وأحلى رسومه
يا ملحها في القلب تمسح عنانا

العمر ظلمة وأنتم نجومه
الله يديم وصلنا مع لقانا